

erden die got glauben zu dienen mit worten vnd
die gottes verlaugnen mit den wercken als die ee
precher. wüchrer. rauber. mord. spiler. dieb. vnd
alle die sich versäumen an der reu beicht vnd büß
die künen zum aller ersten in die kleine pein die du
bisher gesehen hast Darnach werdent sy gefüert
in die grossen pein vñ leident solche pein mit luci-
fer ire herren dem sy gedient habē ymer vñ ewikli-
chlich Auch kument in dise iamerliche pein brieffel-
scher vnd all die bischop. abt dechant probst prior
pfaffen vnd alle vngelaubigen diser welte als key-
ser. künig hertzogen. grafen. fürsten. ritter vñ die
knecht schutheissen. burgermeister. amptmā. rich-
ter. fürmünder. vñ der gleich niemend auf genō-
mē geist ich noch weltlich die dz mit ire sündliche
leben verdient habē vnd got mit erkenen. vnd die
darein kument werden ewigklich verlorn darüb
das sy mit fremde gut vmbgeen vnd sich des ge-
prauchen mit vnrecht vnd gebent das mit wider
auch werdent die gewaltigen darumb verflücht
das sy des gewalts den sy haben von got sich vn-
recht prauchen wan si wöllent niemadt glauben
dan in selber darüb spricht die geschufft Dzdie ge-
waltigen vnd großmechtigen müessen grosse pei-
leiden Do fraget ich den engel vnd sprach Lieber
herz du sprichst. das gewalt werde in geben von
got vnd gibt sy in got warumb sollen sy von got